



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Привремена заједничка комисија оба дома
Парламентарне скупштине Босне и
Херцеговине за спровођење процедуре за
именовање једног члана Независног одбора као
независног тијела полицијске структуре Босне
и Херцеговине из српског народа

Privremena zajednička komisija oba doma
Parlamentarne skupštine Bosne i Hercegovine
za provođenje procedure za imenovanje
jednog člana Nezavisnog odbora kao
nezavisnog tijela policijske strukture Bosne i
Hercegovine iz srpskog naroda

Privremeno zajedničko povjerenstvo obaju
domova Parlamentarne skupštine Bosne i
Hercegovine za provođenje procedure
imenovanja jednog člana Neovisnog odbora
kao neovisnog tijela policijske strukture
Bosne i Hercegovine iz srpskog naroda

Broj:01,02-50-14-388-4,3/17
Sarajevo, 6.6.2017.godine

PARLAMENTARNA SKUPŠTINA BOSNE I HERCEGOVINE
- PREDSTAVNIČKOM DOMU
- DOMU NARODA

Na osnovu člana 32. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br.79/14, 81/15 i 97/15), člana 27. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16) i članova 4. i 5. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj:36/08) i Zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda („Službeni glasnik BiH“ broj: 08/17 od 7.2.2017.), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda na 4. sjednici, održanoj 6.6.2017.godine, usvojila je te Predstavničkom domu i Domu naroda Parlamentarne skupštine Bosne i Hercegovine, podnosi

IZVJEŠTAJ

**o utvrđivanju prijedloga kandidata
za imenovanje jednog člana Nezavisnog odbora
kao nezavisnog tijela policijske strukture Bosne i Hercegovine
iz srpskog naroda**

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog člana

Nezavisnog odbora kao nezavisnog tijela policijske strukture Bosne i Hercegovine iz srpskog naroda

Parlamentarna skupština Bosne i Hercegovine je na 40. sjednici Predstavničkog doma, održanoj 29. decembra 2016. godine i na 26. sjednici Doma naroda, održanoj 1. februara 2017. godine, donijela Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda (u daljem tekstu: Privremena zajednička komisija).

Zaključkom Parlamentarne skupštine BiH („Službeni glasnik BiH“, broj:08/17 od 7.2.2017.) u Privremenu zajedničku komisiju su imenovani: Hazim Rančić, Predrag Kožul, Aleksandra Pandurević (iz Predstavničkog doma), Darko Babalj, Bariša Čolak i Fahrudin Radončić (iz Doma naroda).

Zadatak Privremene zajedničke komisije je da u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj:36/08), provede konkursnu proceduru za jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda: oglašavanje, intervju, sastavi listu uspješnih kandidata i domovima Parlamentarne skupštine BiH predloži kandidata za imenovanje.

Privremena zajednička komisija je provela konkursnu proceduru izbora kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda.

II. Hronologija rada Privremene zajedničke komisije

Kako bi realizirala postavljeni zadatak Privremena zajednička komisija je održala četiri (4) sjednice.

Konstituirajuća sjednica održana je 16.2.2017. godine. Članovi Privremene zajedničke komisije jednoglasno su za predsjedavajućeg izabrali Darka Babalja, za prvog zamjenika predsjedavajućeg Hazima Rančića a za drugog zamjenika predsjedavajućeg Barišu Čolaka.

S obzirom da će mandat novoimenovanog člana Nezavisnog odbora, umjesto razriješenog člana, trajati do isteka aktuelnog četverogodišnjeg mandata članova, do 17.3.2018. („Službeni glasnik BiH“, broj 20/14 od 17.3.2014. godine) radi postizanja potrebne određene dinamike u radu, Privremena zajednička komisija je, postupajući u skladu sa svojim nadležnostima, na 1. sjednici, usvojila Poslovnik o radu.

Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju sa kandidatima, kriteriji i postupak bodovanja kao i utvrđivanje liste uspješnih kandidata, prijedlog kandidata za imenovanje te druga pitanja. Na istoj sjednici je donijela Odluku o raspisivanju javnog konkursa za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda kao i tekst javnog konkursa.

Kompletan tekst javnog konkursa je objavljen 28.2.2017. godine u „Službeni glasnik BiH“ broj: 14/17, „Službeni glasnik Brčko Distrikta“ broj:09/17 i na veb stranici Parlamentarne skupštine Bosne i Hercegovine, te obavještenja, 2.3.2017.godine, u dnevnim listovima "Večernji list", "Oslobođenje" i "Euro Blic". Javni konkurs je ostao otvoren 15 dana od dana objave u „Službeni glasnik BiH“. Rok za podnošenje prijave bio je (zaključno) 15.3.2017. godine.

III. Prijavljeni kandidati, utvrđivanje ispravnosti dostavljene dokumentacije i intervju

Privremena zajednička komisija je na 2. sjednici, održanoj 30.3.2017. i 3.sjednici održanoj 30.5.2017. godine, u skladu s Poslovníkom o radu i uslovima konkursa, provjerila blagovremenost, valjanost i potpunost pristiglih prijava na javni konkurs i dobivenih uvjerenja nadležnih MUP-ova.

Prema uslovu iz člana 4. stav (4) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“ broj 36/08) “Kandidat za člana Nezavisnog odbora ne može biti lice osuđeno za krivično djelo, osim za krivično djelo iz oblasti sigurnosti saobraćaja” te je Privremena zajednička komisija, po službenoj dužnosti a uz pisanu suglasnost kandidata, prije intervjuja, pribavila dokaze o neosuđivanju.

Privremena zajednička komisija je konstatirala da se na javni konkurs prijavilo 14 kandidata. Detaljnim uvidom u svaku prijavu pojedinačno, kako bi se provjerilo jesu li kandidati dostavili tražene dokumente u skladu sa općim i posebnim uslovima konkursa, blagovremene, uredne i potpune. Privremena zajednička komisija je utvrdila, da 11 kandidata ispunjavaju propisane uslove konkursom. Privremena zajednička komisija je, zbog neispunjavanja formalnih uslova, tri (3) prijave odbacila o čemu su pisanim putem kandidati i obaviješteni.

Privremena zajednička komisija je, u skladu s članom 12. Poslovníka o radu, 11 kandidata pozvala na intervju. O datumu, vremenu i mjestu održavanja intervjuja kandidati su pisanim dopisom uredno obaviješteni.

Privremena zajednička komisija je na 4. sjednici, održanoj 6.6.2017., obavila intervju sa devet (9) kandidata dok se dva (2) kandidata nisu odazvala pozivu na intervju.

Cilj intervjuja bio je da se utvrdi stručnost i osposobljenost kandidata za obavljanje traženih zadataka. Pitanja na intervjuu odnosila su se na provjeru podataka iz biografije, pojašnjenje u vezi sa ispunjavanjem uslova javnog konkursa, posebnim stručnim zvanjima, vještinama i ostvarenim rezultatima, priznanjima, iskustvima te pitanjima iz nadležnosti rada Nezavisnog odbora utvrđenim Zakonom o nezavisnim i nadzornim tijelima policijske strukture Bosne i Hercegovine.

Privremena zajednička komisija je, u skladu s Poslovníkom o radu, utvrdila tipski obrazac za ocjenjivanje kandidata, koji su nakon intervjua popunili članovi Privremene zajedničke komisije. U skladu sa članom 13. Poslovníka u radu, ocjene članova Privremene zajedničke komisije za svakog kandidata sabirale su se pojedinačno i dijelile s brojem prisutnih članova intervjua.

IV. Utvrđivanje liste uspješnih kandidata i prijedloga kandidata

Privremena zajednička komisija je, na 4. sjednici, održanoj 6.6.2017., u skladu s Poslovníkom o radu Privremene zajedničke komisije, nakon bodovanja kandidata i dobivanja ocjena za sve kandidate koji su pristupili intervjua, sastavila listu uspješnih kandidata i prijedlog kandidata, kako slijedi:

Lista kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda

Redni broj	Kandidat	Broj bodova
1.	Tatjana Klječanin Martić	91,6
2.	Mladen Mičić	80
3.	Zoran Kovačević	75
4.	Jovo Đurica	61
5.	Dobrislav Planojević	58
6.	Milan Stanić	57
7.	Slobodan Stevanović	54,6
8.	Neđo Vlaški	50
9.	Grozdan Mutić	48

Privremena zajednička komisija je jednoglasno utvrdila i predlaže Predstavničkom domu i Domu naroda Parlamentarne skupštine BiH na daljnji postupak imenovanja:

Prijedlog kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda

Redni broj	Kandidat	Broj bodova
1.	Tatjana Klječanin Martić	91,6

Predloženi kandidat bit će imenovan i za predsjednika Nezavisnog odbora.

U skladu sa zakonskim i poslovničkim odredbama, Privremena zajednička komisija dostavlja prijedlog kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda Predstavničkom domu i Domu naroda Parlamentarne skupštine BiH u daljnju proceduru.

Za izvjestioce o radu o ovom izvještaju Privremene zajedničke komisije, na sjednicama domova Parlamentarne skupštine BiH određeni su:

- Iz Predstavničkog doma - Hazim Rančić, prvi zamjenik predsjedavajućeg Privremene zajedničke komisije.
- Iz Doma naroda – Darko Babalj, predsjedavajući Privremene zajedničke komisije.

Predsjedavajući
Privremene zajedničke komisije

Darko Babalj

Dostaviti:

- Naslovu
- a/a